



Privacy notice Visitors to immigration detention facilities

Australian Government
Department of Home Affairs

Hósusi Nothís Imigrícén bondi sóulot ot ziyára goróya

Form
1553 RHG
ROHINGYA

The Department of Home Affairs (Gór or Maalumat or Dipáthmen) (Dipáthmen) ot cámil asé Australian Border Force (Australiar Boóudhar Fors). *Privacy Act 1988* (Hósusi Ain 1988) óttu lager de Dipáthmen é manúic oré hodún maalumat or baabote hobor de zehón ítarar zati maalumat ókkol dola goríbou. Fórom yían óilde tuáñr nothís maalumat íin or baabote zíin or taaluk tuáñr imigrícén bondi sóulot ot ziyára gorá loi asé.

Hósusi Ain

Department of Home Affairs (Dipáthmen) Australian Privacy Principles (Australiar Hósusi Usúl ókkol) (APPs) loi bañdá asé zíin Hósusi Ain or Eskejuél 1 ot asé. APPs ókkol é konthróul goré añára kengóri zati maalumat ókkol dola, estemal, zoma ar zahér gori, ar tuñí tuáñr zati maalumat oré kengóri loot faibellá, yá sóiyi goríbellá aros uggwá gorí fariba.

Dipáthmen ólla zoruri dé ítarar kontrekgoijjá hédmot douya (ókkol) é yó Hósusi Ain óre mani zaibou.

Hósusi Ain e dola goríbellá ejazot de:

- Naazuk maalumat:
 - Tuáñr rezamondi loi (ar dola gorá íin Dipáthmen or uggwá yá bicí ham ókkol yá hórkot ókkol loi dhaárik taaluk ot táke, yá munaséf hísafe zoruri)
 - uggwá ‘ejazot diya aám háalot’ ot (zeén néki uggwá manúic ór zindigi, sehét yá héfazot or hótara re hom goríbellá, yá pabilík ór sehét yá héfazot ór hótara re hom goríbellá)
 - Zezé zorurot fore Australiar kaanun or nise yá kóuth/thribunel or odhár or zoriya, yá
 - Dipáthmen or torfóttu gorérde yá gorá giyéde zur diya taaluki moksót ólla
- Oinno zati maalumat zíin Dipáthmen or uggwá yá bicí ham ókkol yá hórkot ókkol loi dhaárik taaluk ot táke, yá munaséf hísafe zoruri.

Nothís yían é buzái dahá añára tuáñr zati maalumat oré kiállá dola gorí ar añára íin oré tuáñr imigrícén bondi sóulot ot ziyára gorár maamela loi kengóri sóñli. Añárar zati maalumat or sóñlar rewaj ókkol aró maalumat ólla tuñí Dipáthmen or Hósusi Polosit forí fariba, zibá tuñí ége loot faiba <https://www.homeaffairs.gov.au/access-and-accountability/our-commitments/privacy>.

Hósusi polositi mazé maalumat asé:

- Dipáthmen ottu doijja aséde tuáñr zati maalumat oré kengóri loot faiba ar kengóri sóiyi goríba
- hósusir bánggar baabote kengóri cékayot goríba ar Dipáthmen ór cékwar karwaiyi hondila.

Tuáñr zati maalumat kiállá dola gorí

Zati maalumat or dola gorár añárar foóila moksót óilde Dipáthmen or ham yá hórkot ókkol oré anjam di fari bellá zíin *Migration Act 1958* (Imigrícén Ain 1958) or nise aséde imigrícén bondir ham ókkol loi taaluk asé. Hósusi Ain or nise, añáartu ejazot asé tuáñr zati maalumat ore ze foóila moksót ólla dola gorá giyé é moksót ólla estemal yá zahér goríbellá.

Hósusi Ain or nise, maalumat oré estemal yá zahér gorí faribóu uggwá dusára moksót ólla. Yían óit faribóu:

tuáñr rezamondi loi

- Zezé tuñí munaséf hísafe acá goró deki Dipáthmen é tuáñr zati maalumat oré estemal yá zahér gorí faribóu ar dusára moksót íba foóila moksót loi dhaárik taaluk ot táke (naazuk maalumat ólla) yá foóila moksót loi taaluk ot táke (oinno zati maalumat ollá)
- zezé maalumat or estemal gorá yá zahéri gorár zorurot fore Australiar kaanun hísafe yá kóuth/thribunel odhár hísafe
- ‘ejazot diya giyéde aám háalot’ ot (zendila zezé lage homaibélla yá zindigir hótornak dómkí, sehét yá zehonó ekélar amón, yá aám maincór sehét, yá amón)
- Zurdiya taaluki moksót ólla

Kontrekgoijja hédmot douya (ókkol) ór torfóttu Dipáthmén é tuáñrtu zati maalumat dola goré héfazot gorá thík rakíbar moksót ólla, bála tortif, yá amón ór:

- uggwá imigrícén bondi sóulot
- imigrícén bondi néthwák, ar/yá imigrícén bondi sóulot soñijja beggún
- imigrícén bondi sóulot soñijja beggún, bondi ókkol arde ziyarot goróya ókkol

Yían ót cámil asé sehéti loi taaluk aséde hótara ókkol or sinno gorá ar entezam gorá ar munaséf kontroul ókkol or karwaiyi gorá faráde biaram ókkol sáaiza re rukíbellá yá entezam goríbellá.

Dipáthmen e maalumat íin or modot loi fura gorí fare tarár hamola arde oinno maincór sehét ar héfazot or fóros ókkol oré zíin neki *Work Health and Safety Act 2011* (Cth) (WHS Act) (*Ham Sehéti ar Héfazoti Ain 2011*) or Híssa 2 or ‘sehéti arde héfazoti fóros ókkol’ or nise asé, zeddúr munaséf hísafe gorí fare eddur.

Notiza ókkol zodi tuáñr zati maalumat oré dola nogoré Dipáthmen ór torfóttu

Zodi tuáñr zati maalumat oré dola gorá noza, tuáñr dorhás uggwá imigrícén bondi sóulot, yá manúic uggwá imigrícén bodi ziyarot goríbellá, karwaiyi gorá nozaibóu.

Añára kengóri tuánrar zati maalumat dolagorí

Tuáñr zati maalumat óre aám hísafe dola gorá zaibou kontrekgoijjá hédmot douyar soñijja torfóttu zeçé ziyarot or dorhás óre cekgorá zaibou ar/yá imigrícén bondi sòulot ókkol ót eskrín gorá zaibou Dipáthmen ór torfóttu. Maalumat oré aám hísafe dola gorá zaibou tuáñr torfóttu.

Tuáñr zati maalumat or dola gorá nizer issá, lékin zodi tuáñr zati maalumat oré dola nogoré, tuáñr imigrícén bondi sòulot ot yá imigrícén bondi manúic uggwár éçe ziyarot or dorhás or karwaiyi gorá noza.

Tuáñr zati maalumat oré cámil gorá zaibou rejisthar ekkán ót imigrícén bondi sòulot ot arde Dipáthmén ór oinno zagat ókkol ót diya zaitfare Dipáthmen or moksót solai loizaibélla yá ham ókkol ólla, yá zeçé ejazot diyagiyé Australíar kaanun uggwár torfóttu.

Bon-sáirket telivícen (CCTV) dasé lagatar homgorát óitfare imigrícén bodi sòulot beggúlat. Tuáñr fothú arde hotá ré dóri rakit fare honó CCTV monithar gorá notiza hísafe. Abas arde vidu ziyán CCTV háñsil goijjé yían óre gufoniya gorí luwa zaibou ar seróf estemal gorá zaibou yá huwá zaibou uoror moksót ókkol ólla yá oinno zoruri lage yá zodi Australíar kaanun uggwá yé adikar de.

Añára haré zati maalumat oré dahái

Tuáñr maalumat oré húfiya raká zaibou ar yían óre seróf estemal gorá zaibou yá dahá zaibou nothís ot dahá giyyéde moksót ókkol ólla yá noóile zorurot óibou yá adikari gorá giyé Hósusi yá oinno Australíar kaanuni Hósusiyot kaanun.

Uggwá Australíar kaanun óilde uggwá komónwélt ór kaanun, yá uggwá esthéith, yá uggwá teróthori.

Dipáthmen e zati maalumat ókkol zahér gorít faribóu Australíar (komónwélt, esthéith, ar teróthori) zur diya ejénsi yá idára ókkol or éçe, zeén neki Australiar Fedherel Fulic ar/yá esthéith yá teróthori fulic yá hédmot, tuáñr vizar dorhás or moksót ólla, yá zeçé zorurot forer éçe zur diya hórkot ólla, zín ot cámil asé jurúm uggwá re, ruká, tuai lootfaa, tahákik gorá ar mukotdama gorá yá sáñza diya.

Tuñí diba dé maalumat ókkol añára zahér gorít faijjoum komónwélt, esthéith ar teróthorir hókumot or ejénsi ókkol oré zetarártu sehéti ar baiyo-amoní kaanun or zimma ókkol asé.

Bideci maincóre zati maalumat or zahér gorá

Tuáñr zati maalumat oré zahér gorá nozaibóu bidecór maincór hañsé tuáñr rezamondi sára, yá Hósusi Ain or Eskejuel 1 ot asedé APP 6 arde APP 8 or torfóttu ejazot sára.

Tuñí kengóri loot faiba yá tuáñr zati maalumat oré sóiyi goríba.

Tuáñr zati maalumat ókkol ore loot faibellá ar sóiyi goríbélla aros uggwá gorí faribá *Freedom of Information Act 1982* (Cth) (*Maalumat or Azadi Ain 1982*) arde Hósusi Ain or nise. Añárar Hósusi Polosi yé buzái dahá tuñí kengóri tuáñr zati maalumat ore loot faibellá aros gori fariba, ar tuñí kengóri maalumat iin oré sóiyi goríbélla aros gori fariba.

Sinta arde cékayot ókkol

Dipáthmén é waada diyé zati maalumat oré héfazot goríbélla ziyán loi biccác gorá zaa Hósusi Ain loi. Zodi tuñí biccác goró deki Dipáthmén é tuáñr zati maalumat oré héndhel goijjé endila rasta loi ziyán é añárar APPs ot máze asedé zimmaré báíngge, añárare Hósusi Polosi ye buzáiyé añára kengóri leeden goré tuáñr cékuwa loi.

Tuñí añárar loi kengóri taaluk gorí fariba

Fura taaluk tofsil óre Dipáthment wébsáith ot tuai zaifare www.homeaffairs.gov.au

Oinno dhoilla gorí, tuñí waapesi juab difaro faro:

- Onláin waapesi fórom estemal gorí
- Éçe lekí:
The Manager Global Feedback Unit
GPO Box 241
Melbourne VIC 3001 Australia